

## **Қорқыт Ата атындағы Қызылорда университеті СУДЕНТІНІҢ АР-НАМЫС КОДЕКСІ**

***Студент! Университетті мақтан тұт, оны құрметте, озат оқы және осында жүріп шыңдала түс!***

Қорқыт Ата атындағы ҚУ барлық бөлімшелерінің қызмет мақсаты дүниетанымдық әлеуетке, кәсіби, зияткерлік және әлеуметтік шығармашылық қабілеттерге ие, кәсіби міндеттерін орындауда орнықты икемділіктер мен дағдыларды меңгерген, кәсіби және мәдени бағдарланған тұлға даярлау болып табылады.

ЖОО-да оқу – екіжақты үдеріс екендігін, оның белсенді субъектісі студент болып саналатынын ескеру керек. Студенттің моралдық келбетіне, оның жеке тұлғалық қасиеттеріне, көп жағдайда, оқытудың түпкі тиімділігі, жоо-ғы іскерлік ахуал байланысты болады. Болашақ жоғары дәрежедегі маман - студенттің моралдық бейнесі оқуға, қоғамдық тапсырмаларға деген тәртіпті, саналы көзқарасты, оқытушының жеке басына құрметпен, өзара түсіністікпен, сеніммен қарау, өзін-өзі сынай білу, биік нәтижелерге жетуде шығармашылық белсенділік пен табандылықты талап етеді.

***Университеттің студенті бола жүріп, оқу орнының негізгі моралдық және әдеп нормаларын және ережелерін орындау қажет:***

- Қазақстан Республикасының лайықты азаматы болуға, таңдап алған мамандығының қас шебері болуға, өзінде шығармашылық тұлғаның озық қасиеттерін дамытуға ұмтылу;
- үлкендерге құрметпен қарауға, айналасындағыларға дәрекілік көрсетпеуге және әлеуметтік қорғалмаған жандарға жанашырлық танытуға, мүмкіндігінше оларға қамқорлық жасауға;
- көргенділік, мәдениет пен мораль үлгісін көрсетуге, өнегесіздік көрінісіне төзбеуге және жыныстық, ұлттық немесе діни белгілері бойынша кемсітушілік көріністеріне жол бермеуге;
- саламатты өмір салтын ұстануға және зиянды әдеттерден толық бас тартуға;
- жоо дәстүрлерін сыйлауға, оның мүліктерін сақтауға, оқу ғимараты мен студенттік жатақханада тазалық пен тәртіпті қадағалауға;
- шығармашылық белсенділікті дамытуға (ғылыми-білімдік, спорттық, көркемөнер т.с.с.), жоо-ның корпоративтік мәдениеті мен беделін арттыруға бағытталған барлық қажетті әрі пайдалы қызметтерді құптауға;
- жоғары білікті маманға қажетті теориялық және арнайы білімдерді, практикалық, кәсіби машықтарды игеруге барынша күш салуға;
- оқу үдерісінің кестесін орындауға, сынақтар мен емтихандарды дер кезінде тапсыруға;

- университеттің ғылыми, мәдени, спорттық және қоғамдық өміріне белсене атсалысуға;
- оқытушыны адам және тұлға ретінде құрметтеуге;
- университет студенттері арасындағы қатар өмір сүру, өзара сыйластық пен өзара көмек беру ережелерін ұстануға;
- университет қабырғасынан тыс жерлерде өзінің жоғарғы мектеп өкілі екендігін әрқашан жадында ұстап, оның абыройы мен беделін түсірмеуге бар күшін салуға;
- әрбір студент өз ойын дұрыс жеткізе білуі, өзінің сөйлеу мәдениетін қадағалауы және өзінің ана тілін құрметтеуі тиіс;
- студенттің мінез-құлқына қарап, жеке тұлғасын ғана емес, оның білім алатын оқу орнының деңгейін де бағалайды. Сондықтан студент өз мамандығын терең игерген, оқу процесінде жаңа технологияларды пайдалана алатын, кәсіби шебер, рухани жан-дүниесі бай тұлға болуы тиіс.
  - академиялық теріс пиғылдың барлық түрімен күресуді өзінің парызы деп санауға, олардың ішінде:
    - білімді бағалау ісінен өту кезінде басқалардан көшіріп алу және көмек сұрау;
    - көлемі бойынша дайын кез-келген оқу материалдарын (рефераттар, курстық, бақылау, дипломдық және басқа жұмыстар), оның ішінде Интернет-ресурстарды қоса алғанда, өз еңбегінің нәтижесі ретінде көрсету;
    - анағұрлым жоғары баға алу үшін туыстық немесе қызметтік байланыстарды пайдалану; сабақтан қалу, кешігу және дәлелді себептерсіз оқу сабақтарына қатыспау;
  - академиялық теріс пиғылдардың барлық аталған түрлерін болашақ маманға лайықты сапалы әрі бәсекеге қабілетті білім алумен сиыспайтын нәрселер деп қарауға;
- студент университеттегі, қоғамдық және жеке өміріндегі өзінің мінез-құлқымен өзін қоршаған адамдарға олардың адамдардың іргелі құқықтарын іске асыруын мүлтіксіз қамтамасыз етеді. ЖОО-да оқу кезінде студент осы құқықтарды өз қызметінде сақтаудың үлгісі және кепілі болуға міндетті.
- студент атына ұжымда қиын ахуал туғызып, түсініспеушілік, сенімсіздік жасайтын, оның атына кір келтіретін қылықтар, шиеленісті жағдаяттар, оның үстіне қылмыстық жазаға немесе қоғамдық жазғыру мен айыптауға әкелетін қылықтар жараспайды.

***Менің студенттік өмірім «Абырой мен қадір-қасиет!» ұранымен өтуі тиіс.***